

卷之五

鳳陽府

在南京北三十七里

領州五縣十三

今之中都古塗山氏國也春秋名鍾離爲徐子之別封服屬于楚秦併楚屬九江郡漢更九江爲淮南國尋仍舊東漢爲鍾離侯國晉爲鍾離縣屬淮南郡劉宋失淮西于此置北徐州齊梁因之高齊得其地改西楚州隋唐或曰濠州或曰鍾離郡五代南唐置定遠軍于此周世宗征淮南團練使郭廷詔以濠降宋因名團練州以隸泗紹興四年浚于金明年棄去十一年復陷尋議和以淮爲界開禧初又陷嘉定二年又來歸元爲臨濠府隸安豐

太祖高皇帝啓運龍興之土也洪武初年改臨濠
為中立府及築新城定為中都取中天下而立定
四海之民之意洪武七年徙都之後因遷南京始
改今額以地在鳳皇山之陽而名其疆場跨禹貢
徐揚豫三州鳳陽臨淮定遠盱眙天長壽州霍丘
為揚城懷遠五河虹泗宿二州靈璧蒙城為徐域
潁州潁上太和亳州為豫域云

鳳陽縣附郭

本漢鍾離縣地鍾離今之臨淮縣也 國朝洪武

甲寅歲析臨淮縣之太平清洛廣德永豐及虹縣
南八都置餘詳府下縣治初在城東南隅十三年
移於北兵馬司即今所○一統志云鳳皇山在府
治北山勢如翔鳳故名有碧雲觀在山後○萬歲
山去治北一里 皇城垣跨其上東有日精山即
盛家山也大龍興寺在其下西有月華山即馬鞍
山也三山相聯形勢壯麗岡巒環向綿長之祚於
此足徵○大龍興寺乃撤中都宮室名材所建有
御製碑文及御書第一山三大字

太祖御製詩集有鳳陽行賜善世法師文彬詩云

老禪此去正秋時臨淮水碧見蒼蒼月照淮海鏡
清影廣寒處處影常隨水簾洞口溪雲白知是仙
人化游客淮海月高天氣涼西風飄葉襯長陌清
霜將降鴈鳴天淮之南北盡平川荆山神禹鑿後
使多幽玄禪心定期相對越切莫將心戀丹闕野
人本與紅塵隔且去溪邊弄明月○焚書岡在城
南二里一名金子岡撫遺云惠子焚書于此灰化
爲金雨過後往往有得金者○惠莊觀魚臺在城
東十五里濠水上面突壇世傳有仙人會奕于此
其壇刻石爲局賦二以置子局傍刻唐人詩及爛

柯二字○獨山在縣南二十里宋王欽若墓前出
也今在朝陽門內 國初于其上置觀星臺按欽

若本臨江人其祖郁爲濠州判官多所存活欽若
生于郡廨長而貴及卒有墓在獨山東北舊有夏

侯君陳撰墓碑○東魯山在縣西南十五里又三

里爲西魯山其下有魯山港○曹山在縣西三十

里相傳魏武東征駐兵其上有水名曹山澗又二

十里爲畫山山有木枝如楊柳可用爲畫唐崔確

崔向李從升張藻皆郡人以畫名人謂山之炳靈

使然○石膏山本草綱目云在濠州西南七十里

山出此藥今去縣西南五十里○鎮耶山在縣南
八十里古老相傳吳大夫莫耶鑄劍于此淮南記
云濠水合流至千金塘流出縣西莫耶山舊傳干
將鑄劍于此劍成淬於遺碑村澗中今名淬劍泉
卽濠水發源處水經云淮水又東北濠水注之者
也○志云淮水在縣北十里釋名淮者圍也圍繞
揚州北界東至于海通志畧云淮源出唐縣桐柏
山又東過安豐決水有窮水入焉又東過下蔡過
壽春潁水淝水入焉又東過鍾離濠水入焉又東
過盱眙有汴水從北來入焉又東至山陽通刊溝
又東泗水從西北來入焉又東至海州入于海○
縣北有白湖及東西湖縣西有華陂湖縣西北有
蚌阜及粉團洲皆濠水所注縣西北二十五里棲
巖寺內有乳泉其味清美亞於靈泉又白石寺有
石室中藏宋高宗御書○靈泉在縣西武店唐元
桓所作靈泉贊是也其味清冽識者謂視惠山谷
簾無愧○城塚記云西古城在縣東十八里當臨
淮縣西故名蓋南北兵爭時戰壘也○中都新城
土墻無壕周五十里四百步開十有二門○皇城
四門洪武三年建宮殿立宗廟大社于城內併置

中書省大都督府御史臺于午門東西十二年設
中都留守以都督府爲留守司轄八衛一千戶所
城內置留守左留守右鳳陽中鳳陽右懷遠等衛
凡五仍於縣之太平鄉設 皇陵衛於粉團洲設
長淮衛于府東北四十里設洪塘湖屯田千戶所
于舊中立府治設鳳陽衛其餘分布各區○開國
元勳諸王侯列祀功臣廟中又特祀常開平像于
閣上閣卽廟中複屋也其處名英靈坊○皇陵者
皇考仁祖淳皇帝陵也通紀吳丙午春命故臣領
大軍回濠修飭金井園陵招集親隣二十家看守
洪武二年增陵戶三千三百四十二分爲六十四
社社各有長備灑掃而已陵有內 皇城磚城土
城凡三座環之○白塔墳在治西北二十五里十
王四妃墳也又五里有湯東甌王墓又城左甲第
門外老人橋東南有香林蔡居士墓居士諱成元
季隱居不仕卒年八十有六駙馬震其玄孫也其
處又有郭滁陽王墳湯郭事實俱詳本傳

臨淮縣

在府東北二十里

春秋鍾離子國漢縣之詳見府下洪武三年從府
改名中立尋改今名以縣臨淮水也仍治舊城○

世本曰鍾離嬴姓子國魯成公五年叔孫僑如會吳于鍾離昭二十三年吳公子光伐楚拔鍾離卽此也水經云淮水又東過鍾離縣北○玉海云鍾離阻淮帶山荆山在西濠水合流南北朝爲重鎮宋連南夫修城記云濠之爲城也長淮引桐柏之源橫其北石梁會衆水之流環其西兩水中注介於城闔西山真氏曰有濠梁之遮蔽則敵始不得以走歷陽矣○按濠州在隋唐間本名豪州至元和中刺史崔中始請加水爲濠其地本屬淮南至貞元中竇叅爲相始越淮割地以隸徐州及徐州節度張建封死其子爲本軍所立常挫王師朝廷幾失淮南之地自貞元以後於今懷遠置渦口城始得守險之要○方輿勝覽云雲母山在縣南四十里山出雲母彭祖所服也縣西有慶壽坊以彭篋嘗寓此○昇高山在縣西南五十里俗以九日士女登此山也○化明山在縣東六十里隋時化明縣以此得名其下爲化明塘○濠塘山在縣南六十里濠源出焉古老以爲緣山之泉灌濠成塘故名山穴出鐘乳又名鐘乳山嘗有白蝙蝠色微紫倒懸穴中居人以九月後二日采食之得長壽

○濠水東西有二西濠源出鳳陽縣之莫耶山東濠源出本縣之鐘乳山二水至昇高橋下合流至府舊城西南有石絕水謂之濠梁又號石梁河是莊生觀魚處卽九虹橋也有九梁似之又東流經新河口入于淮○縣中入淮之水凡八謂二濠溪河月明湖紅娘蕉子青山響水四湖也淮水逕縣城北東北流入海○乘龍洲在縣東北淮水中周世宗征濠夜遣兵持炬乘橐駝絕淮濠兵驚以爲鬼乘龍也洲因以得名○邵陽洲在縣東十八里淮水中南史齊建武二年魏圍鍾離我軍敗之魏兵退屯邵陽州求輸馬以假道許之蕭梁昌義之爲北徐州刺史魏楊大眼以十萬衆來攻於邵陽洲作浮橋晝夜分坐相代昌之善射所向應弦而倒日數十戰魏衆死者與城平會曹景宗韋叡來救夜於洲傍掘長塹樹鹿角截洲爲城比曉而營立魏人驚走追至洛口而還皆此處也翰墨大全云乘龍洲去縣二十里以地攻之當是邵陽洲一處而二名耳○東西紅村在縣東南六十里以花開時紅色爛然故名 國初朔有紅心橋在二村之中今爲驛○濠梁志云舊府治內有石牛三其

二在廳事一在廨後蓋郡介淮濠多水災以牛土
畜獸之宋郡守梅詢先從東封禱于嶽神夢三牛
鬪于庭有稱相公來上謁者及得郡乃應適呂夷
簡來為倅恍如夢中○古鍾離城在縣東四里四
面城壕見在春秋昭四年楚箴尹宜咎城鍾離至
二十四年吳人滅之秦漢之鍾離縣治此宋大明
中始遷今城○鍾離廢縣東一里有小東城秦始
皇時築以鎮濠口舊志云宋太始中築北齊天保
置鍾陵郡于此今城東三里晏公廟是其故址○
潛龍殿在莊臺寺內南唐李昇微時嘗寓寺中故
名按昇徐州李氏子流寓于濠楊行密取濠州得
之方八歲莊臺即今開元寺亦名都道場在東門
內唐李紳分司東洛過濠州駐此作四望亭記即
所稱短李亭也紳矮小時人目為短李云○潛龍
殿有龍鳳磚花階皆昇僭諱時作寺有龍井宋人
於井欄上刻蟠龍甚工緻又云乾明寺在清流門
外昇二姊少時投此寺為尼寺有倒照石彌勒佛
記云石光明瑩潔可鑒毫髮今為乾明菴口開元
寺後有逍遙臺唐刺史梁延嗣累土為之刻莊生
像於其上取南華首篇名也臺南有樛藤二株東

鳳陽府志卷之十四

水

西相向垂花甚盛刺史獨孤及其甚愛之命曰垂花
 塢仍作詩云紫蔓青條覆酒壺落花時與竹風俱
 歸來自負花前醉笑向遊魚問樂無九域志以為
 莊周墓在馬後梁延嗣增築為臺又夢蝶港亦在
 寺西偏○廣教寺在子城東南五代劉仁瞻捨宅
 為之興化寺在城東北六里唐張祐有留題○舊
 城南通真觀有石碑刻仙人藍采和像併所撰踏
 踏歌濠梁志云觀址古之市樓也采和唐末逸士
 嘗遊濠州衣襪衫綠袴黑木腰帶一足靴一足跣
 夏服絮冬臥冰雪出氣如蒸每曳長繩拖錢以行
 歌錢散不顧一日即市樓飲酒有五色雲覆其上
 飲畢乘雲而去遺靴帶襪衫於地又名其處為撒
 金街今太平門東有望仙橋石上足迹猶存○方
 輿勝覽云含桃閣在濠解西齋祥符中梅詢為守
 呂夷簡倅相得甚歡來宴此閣值含桃盛開故名
 □濠州州宅含桃閣下因斲土得一石匣始疑中
 藏金玉之類開之得巨編數帙乃陳留鄭向所述
 五代開皇紀三十卷乾興元年向以尚書屯田員
 外郎為郡守瘞此書於閣下中有銘曰自朱矯命
 終紫遊位二十四年一十三帝興亡行事魚貫珠

綴瘞藁於斯如地之利見淮海張邦基墨莊漫錄
 ○子城上有樓名清淮唐建也張頤詩云觀魚惠
 子臺蕪沒夢蝶莊周冢木秋惟有清淮供四望年
 年依舊背城流○清流門外有水簾洞相傳昔有
 成都戍卒來覓水簾先生郡人莫曉一日至水簾
 洞石忽裂開有人引之入他日復出言其中洞府
 豁然宋紹熙皇甫斌書水簾真洞四字刻于石水
 淺則見漲則沒○清流門外有解帶石舊傳項羽
 敗垓下投薛公公不納羽解帶飯石上而去石至今
 猶存○氏族大全云濠州女子邢女君與鄰女燕

于濞徐二水之間有數女從水出若連腰裙前曰
 東海君聘卿為嬪乃敷衲禱波心置女君坐其上
 而化鄉人為之立祠○臨淮門外淮岍渡口有黑
 水將軍廟嘉定庚辰郡守柴將軍以鍊鑄神像銘
 其腹曰濠州之北淮水之邊千汝鎮定億萬斯年
 ○移風門外晏公廟即小東城址也神名戍仔江
 右臨江人元初為文錦局堂長因病歸一登舟即
 尸解去 國朝封平浪侯○花樓門在北門內刻
 畫藻績極工緻樓以得名○橋樓門上銅鐘其聲
 清越相傳與泗州鐘俱從淮上浮至惟無文款可

原陽府志卷之十四
十
攷○高唐館漫叟詩話云濠州西有此館俗以爲
楚之高唐宋御史閻欽受宿濠州高唐館詩借問
襄王安在哉山川此地勝陽臺今朝寓宿高唐館
神女何曾入夢來

定遠縣

在府城南
九十里

秦曲陽縣地漢分置東城縣文帝封長沙厲王長
子良爲東成侯卽此東漢於曲陽上加西字以別
於下邳之曲陽也後漢書地理志云曲陽故城在
西北東城故城在東南晉志有西曲陽屬淮南郡
是矣劉宋之世索虜南侵淮西不守梁天監中土

人祭豐據東城自魏來歸武帝嘉之改東爲豐以
名紀也仍立臨濠郡於此後齊改郡曰廣安縣爲
定遠隋唐郡廢縣存○濠梁志云廢定遠城在縣
西南八十里元至元中始遷今所城濠東西南各
濶十丈北濶二十丈引北山澗水注之故能不竭
歲種芙蓉菱芡夏秋之交紅碧相映遊觀相屬宋
治平間包拯知縣事有虎傷人拯捕之繫于石判
焉今縣解後判臺尚存○縣當國初兵燹之後
民戶消乏乃遷江南常松蘇杭嚴紹金衢八府人
居之名爲填實縣凡二十九里而遷民占其十四

○紀勝云韭山在縣東北四十里地暖多韭故名山上累石爲城遇兵燹輒保聚於此山下有洞穴澗水涓涓不絕洞中石肖器物像甚多兩岸有唐人詩刻洞深處有石臺石龕坐大士老君其上遊者多阻澗水不能窮致○劔山禹廟山在北界白茅山銀嶺在東界各去縣三四十里○相公山在縣東六十里有楚相令狐子伯廟祀又十里爲大橫山以橫界於東南故名山頂有石壘城西南有石佛一軀高丈餘○橫澗山在縣西北七十四里其上壘石爲城有澗泉可飲相傳許大夫營其上

未詳何人山下又有集仙觀城隍廟址○池河在縣南六十里源自廬州巢縣界流入境內凡百四十里東北流入淮今有池河驛按水經云淮水又東池水注之者也東北流入淮處謂之池口○宋史紹興六年僞齊遣子劉麟姪猗分道寇淮西使楊沂中禦之至藕塘大敗之追至南壽春而還按藕塘鎮在縣東六十里其地有古元封寺周世宗以爲驛○洛水在縣西九十里自縣之西北白堊堆流入壽春洛水口中流分界至新城村南十五里入淮○輿地紀勝漢泉在縣西五十里楚漢交

兵之際漢兵竭因大呼得泉以濟又五里爲楚泉其流稍微宋呂夷簡詩地與分雙派天方闢二雄○寰宇記云廢漆園在縣東三十里故縣村西一百步四周之處約方三百尺天寶中尚有漆樹一二十株爲野火所燒又有漆園觀在縣東北一百三十步按莊子雖爲蒙漆園吏乃漢梁國之蒙今河南歸德府界此因莊周生于濠梁附會之耳○水經注云淮水又北鵲甫溪水入焉溪水西北流經鵲甫亭南亭今廢按輿地紀勝定遠縣西八十里有芍市城梁典胡龍牙破芍甫城生擒五千人但鵲芍字異耳寰宇記以爲艾甫塘卽艾甫城所謂廢定遠城也在今縣西南八十五里相傳梁魏交兵魏於塘下築爲戰壘塘水流出來城西注府志作文浦城縣志又有芍甫院未詳孰是○隋志舊九江郡後齊廢爲曲陽縣尋廢按其地今界於壽州壽州卽九江郡治古曲陽城在縣西北九十五里秦曲陽縣城也○滕撫傳云陰陵人徐鳳反攻燒東城按在今縣東南五十里梁所置安州侯景亂廢故老相傳安州卽廢東城也○括地志云陰陵故城在定遠西北六十里今在鎮耶山南故

址周二里按元和郡縣志謂項羽敗走東城在定遠而定遠舊志反疑東城在和州境晉置烏江縣者是攷項籍傳云至陰陵迷失道復引而東至東城今陰陵在定遠西北東城在定遠東南決爲此東城無疑矣王象之紀勝謂羽至烏江不渡灌嬰追之至東城則東城當在烏江境上不應自烏江復北走回至濠之定遠也似又以和州烏江之東城爲正按水經注曰池水出東城縣東北流逕故城南漢以數千騎追羽羽帥二十八騎引東城因四隕出斬將而去卽此觀之則東城爲此地無疑

○縣西六十里有項羽廟云羽旣敗迷路于此後人爲之立廟又五里有走馬橋卽項王戰敗走處虞姬墓在縣南六十里高六丈俗名嗟虞墩靈壁亦有墓相傳彼葬其首此葬其身宋蘇軾詩帳下佳人拭淚痕門前壯士氣如雲蒼皇不負君王意只有虞姬與鄭君○晉獻公冢在縣東八十里高十餘丈故老傳云晉獻公冢去驪姬冢一千步圖經云晉獻公冢一雙或指雙墩應之按志有雙乳墩高二十餘丈在東北七十五里近是

懷遠縣

在府西七十里

漢沛郡龍亢郡地晉魏為譙郡之蕪城縣也北齊置龍亢郡于此唐以縣之渦口乃東南走集地築城焉周世宗增築鎮淮軍城為二城宋寶祐五年賈似道奏渦口上環荆山下連淮岍險要可據理宗御谷云荆山為城義在懷遠繪圖來上殊用嘉歎於是改軍名懷遠領荆山縣元廢荆山以軍為縣國朝因之○一統志云荆山在縣治西南城經其上山西北有玉坑乃卞和采玉之所其石白潔異常本志云山有避雨石石上有三人影傍鑄玉佛二字下有二人臥迹東有卞和洞一名抱璞

巖可容十數人又有圓石周可丈二尺上鑄玄帝仙桃等字蘇子瞻詩注云卞氏采玉坑石色如玉不受鑿琢取至山下輒變色不復溫潤唐胡曾詩抱璞巖前桂葉稠碧溪寒水至今流空山落日猿聲叫疑是荆人哭未休○宋太史景濂記云自塗山麓復北經縣治折而西行約三里所至荆山梁魏交兵時就山築堰以灌壽春其遺跡猶班班可見復行三十步崖廣如屋側身而入石平如床可坐為卞和洞自西上復一里所過避雨石石斜倚可避風雨故名又六十步至產玉坂奇石駢立玄

質而白緣粲如霜雪云其西有玉池榛荆迷路不可尋矣按志玉坑東南七十步有池深一丈餘俗呼爲鳳皇池卽玉池也山東南有白龜泉石刻云唐貞元年有白龜隨泉流出數字○荆山堰在縣南荆塗二山對峙淮水所經梁天監中築也漢末袁公路亦嘗經營之○塗山在治東南八里水經云淮水出荆山之左塗山之右二山對峙相爲一脉自神禹以桐柏之水汎溢爲害乃鑿山爲二以通之今兩崖間鏟痕猶故左氏云禹合諸侯于塗山執玉帛者萬國杜預謂在壽春東北是也今山巔有禹廟山下有鯀廟山前有禹會村古史夏本紀云禹會諸侯塗山其後南巡狩復會于會稽云宋蘇軾詩川鎖支祁水尚渾地埋汪罔骨應存樵蘇已入黃能廟烏鵲猶朝禹會村○景濂記云棹舟至塗山足曳杖入山山傍廢址舊皆民廬前渡石梁復斗折而上可三里有大盤石青綠間錯有草生石上高一丈其花可翫不假人力隨取懸檐間呼爲石蓮花復三四里至聖水泉亭又一里至山巔禹廟在焉游目四顧長淮西來渦河北滙而壽春臨濠宿州之境皆在冥濛昏杳中山下聚落

甚盛名禹會村廬舍之比如櫛廟前杏樹大可蔽
二牛石碣二一大書有夏皇祖之廟六字下方刻
慶元初劉仲光禱雨記亦一刻紹熙間鍾離尉丁
大榮禱雨記從廟西循石坡下巨石危立如人遙
望之儼然一嫗也呼爲啓母石廟史云居人每割
羊豕以祭至以粉黛爲飾聞之不覺失笑山麓有
繇廟題碑神號殊可厭○寰宇記云古當塗國在
濠州西一百十七里漢爲縣屬九江郡武帝封魏
不害安帝封成孝王子宥俱爲當塗侯于此三國
時荒廢晉太康復立縣屬淮南郡在壽春東北輿
地記謂卽禹所娶塗山氏國也□連山易曰禹娶
塗山氏名攸女呂氏春秋禹巡省南土塗山氏之
女候禹于塗山之陽乃作歌曰候人兮猗實始爲
南音○唐袁思遷記云漢高祖過塗山命立啓王
廟以鎮荆山立禹廟以鎮塗山○淮河在縣東南
一里介在荆塗兩峽之間今名洪頭有巨石橫亘
若門限每冬水淺則見蓋未鑿之前淮水從荆山
西麓迂迴以入于渦麓高水滙爲患耳荆山立堰
堰此水也○渦河在縣北一里發源自葛河口由
鹿邑西來至亳州界黃河從西北來注之至亳城

其與馬尚河合經蒙城流至本縣東入淮謂之渦口三國志曹操引水軍自渦入淮出淝水軍于合肥開芍陂池田卽此○余攷人淮之水自渦而外有天河洛河淝河洱河茨河塌河碧溪澗土澗冷水澗茅澗厥澗柴澗凡十二所而惟渦流爲大渦者以水勢曲折旋轉故名○渦口城在縣東北十五里今名菴城唐於渦口對峙置兩城故刺史常帶兩城使唐書李正己反張萬福馳至渦口悉發江淮進奉船相銜以進淄青將士睥睨不敢動五代史周世宗親征淮南唐兵萬餘維舟于淮營于

塗山之下大敗之于渦口奪戰艦五十餘艘是年五月夾淮水城鎮淮軍爲二城○通典云古當塗城後齊之馬頭縣也晉永和申謝尚鎮馬頭城安帝時立馬頭郡俱因山形而名按故城在今縣南二十里梁馬頭刺史劉公茂築新城在今縣南四十里北齊改馬頭縣隋初廢縣東南四十五里又有漢考城縣與新城遺址街道竝存○龍亢城在縣西北八十五里渦水之陽後齊之龍亢郡城也唐初析夏丘所置貞觀中省按今縣北樂善鄉龍亢村卽其地漢五更桓榮龍亢人○寰宇記云葛

城戌在蘄縣南九十里後魏地形志葛山縣屬龍亢郡北齊天保七年廢○塚廟記云楚相孫叔敖墓在縣西四十里之東山鄉皇覽註東漢志屬當塗縣下北史魏任城王元澄爲揚州刺史鎮壽春下車封孫叔敖墓是也

五河縣

在府東北百十里

宋咸淳間城五河口爲安淮軍始置縣以五水交會皆通舟楫云○志云淮河在縣東一里○滄河源出河南永城縣馬長河東流經宿州境至縣南東流入淮縣治臨之故號滄濱○沱河在縣西北

一里遶滄河東流入淮○滎河在縣東南二里源出南湖亦東流入淮○潼河在縣東北四十里遶沱河東流入淮是曰五河○江湖紀聞云五河且有潭淵深相傳有龍蟄焉每春夏之交洪流衝擊蕩民田廬至元平江南後淮旱綿亘數百里皆涸獨此潭如常探汲者衆遂亦涸潭角有竅人競窺之見有物如黑犬蟠旋其中衆恐爲害競投以鐵鑊鍤具龍含水一歎雲氣上騰乘雲冲空向西南去一老者曰此非龍乃蛟也得水只能一躍躍只能二里再得水復然若遇陸地則困矣衆競奔西

南索之約二十里許果蜿蜒陸地長丈餘乃屠之
其地在縣東二里卽五河交會處○志云金剛嘴
在治西南二百八十步以上岡色黃其形長且銳
故名○故軍城在治北二里澮河北岸古安淮軍
城也有街道存○漢王臺相傳漢高祖敗楚兵時
築遺址尚存

虹縣

在府東北二
百五十里

輿地志云堯封禹爲夏伯邑於此卽天子位後乃
徙都陽翟東漢置夏丘縣焉唐武德初以夏丘穀
陽置仁州又析夏丘置今縣亦本漢沛郡虹縣之

名也王莽曰貢音與虹同○水經注曰淮水又東
至巉石山潼水注之水首受潼縣西南潼陂縣故
屬淮南郡王莽之成信矣南逕沛國夏丘縣絕蘄
逕夏丘縣故城西王莽改曰歸思也又東南逕臨
潼戍西又東南至巉石西南入淮○統志云朱山
在縣東北四十里以朱買臣祠墓得名神廟記云
靈佑祠卽古朱公祠下有墓後魏地形志云潼縣
在朱山乃會稽朱翁子之舊里舊銘云印佩會稽
名耀炎漢是爲買臣之祠廟東北五步許有聖水
泉甘而冽雖旱不涸飲之愈疾後有于井側澣濯

一夕并石暴長幾合山下之人奔祈于神乃止○
 朱山又東北二十里為赤山按寰宇記云赤坎故
 城在虹縣西南一百九十五里梁天監八年置赤
 坎戍大同二年廢戍置仁州唐武德四年廢赤坎
 者乃赤山之麓其土赤色故名○志云汴河東由
 宿州界來經縣治前至泗入淮○潼水在縣西三
 百步經萬安湖南流宋朱弁詩離汶未逾千里道
 渡淮先泛萬安湖○潼河有二南潼河出羊城湖
 南經泗入淮北潼河出本縣西東北流至白鹿湖
 經睢寧縣小河入淮北沱河出靈璧縣東南流至
 本縣界與南沱河合流入淮○蘄水源出當縣東
 七都合睢水流入泗即水經所云潼水絕蘄入夏
 丘者又婁河新河源亦出東七都南接汴河東北
 流入宿遷縣界入泗○寰宇記云潼城在縣東北
 七十里漢時潼縣也後漢永平元年封沛獻王子
 嘉為潼侯按晉潼縣屬下邳郡後齊置潼州于此
 ○攷夏丘城亦漢縣也後周改曰晉陵開皇中復
 曰夏丘旋廢○去縣治二里有五女冢不知何時
 人相傳五女家貧無資以葬親相與負土成墳鄉
 人嘉其孝刻石為像置于冢側云

鳳陽府志卷之十四
 三

泗州在府東二百十里管縣二

春秋徐子國地吳滅之楚世家云越滅吳而不能正江淮東侵之廣地至泗上秦屬泗水郡漢初屬沛郡於禹貢徐州也號蟻城以厥貢蟻珠爲泗產云其稱郡國州縣名號因革代有不同曰臨淮郡漢元鼎及晉宋唐天寶間名也晉治盱眙曰曰下邳郡後漢後魏及隋名也隋治在宿豫曰曰南徐州後魏也梁改東徐東魏改東楚陳改安州曰今州後周唐武德乾元趙宋胡元也建炎沒於金元至正間揚州置淮南省以州隸焉國初隸淮安

府旋改今屬○地居泗口梁宋吳楚之衝齊魯汴

洛之道城居淮河北岸汴水徑其中水陸之都會也城五門四隅之外又有香花門城東北十三里皇祖考裕皇帝陵寢在焉號曰祖陵併以望祭

德祖熙祖二陵置灑掃戶二百九十三○志云

碧山一名甃山在州西五十里有祠居頂古老傳云石大如斗樹無三尺隋大業中趙徵君於此讀書時人慕其德行遂立祠遇旱州人雩焉其下爲甃山湖水通入淮又六十里曰嶸石山與浮山相對梁天監時築堰處山上有城壘故址○寰宇記

紅藍河在城東十里上有土橋河南流入淮上源
有村隋帝宮人種紅藍于此○攔馬河在城北十
八里夏月水通汴○直河在城東北二十里宋崇
寧二年開導通汴城東有一字河通此河口○安
河在城東北六十里出本州青陽鄉○峰山湖在
城西百一十里以上凡六水皆入于淮淮水自五
河縣東來經州城南東至清河口會泗水而入海
○汴河卽隋時所開自大梁通淮達邗溝者今上
流湮塞夏月水漲舟楫僅通虹縣冬月則否汴南
對盱眙山米芾詩船頭出汴翠屏間謂此也○塔
影湖在城西北四十里湖東龜山寺塔影倒入湖
中故名通溧河溧河在城北七十里近河有洗馬
溝相傳爲徐偃王洗馬處水通安河○永泰湖在
城北五十里隋大業二年開通濟渠塞斷瀝水自
爾成湖因鄉爲名出赤背鯽魚時人呼爲朱衣鮒
○山堂考索註云古徐州今徐城鎮是去徐州垂
五百里按寰宇記廢徐城縣在泗西五十里六鄉
世本云徐嬴姓國伯益之後伯益有二子長曰大
廉封鳴俗氏秦其裔也少曰若水別爲費氏居南
裔爲諸侯至夏后末其君費昌去夏歸商佐湯伐

鳳陽府志卷之十四
三
桀有功爲卿士湯以其本國爲畿內之采地而更封費子之庶於淮泗之間徐地以奉伯益之祀復命爲伯使主淮夷至成王卽位封伯禽于魯徐子率淮泗之夷竝叛卽書序云魯公宅曲阜徐夷竝興東郊不開當是之時成王以徐成之屬錫之山川土田附庸又曰保有鳧嶧遂荒徐宅者也周穆王末徐君偃有德好仁義東夷歸之者四十餘國穆王西巡聞徐君威德日遠乘八駿之馬使造父御之更遣楚師襲其不備大破之殺偃王其子遂北徙彭城武原東山之下百姓赴之者萬數因名

其所依山曰徐山卽此地也後爲吳所滅亦號大徐城漢爲縣○郡國志云薄城卽徐偃王權造名薄薄城今呼爲故城在州東北八十里○瀝橋城在舊徐城縣西南二十五里梁天監築置戍南臨瀝水橋○南重岡城隋重岡縣也在徐城縣西北九十里通濟渠南一里平地大業八年移縣于此置緣重岡山爲名○淮陽城在徐城縣東北一百五十里西臨泗水晉義熙年於此置淮陽郡郡國志云淮陽縣有抱月城城抱淮泗之水形勢似月按志州東北七十里有半城遺址見存卽抱月城也

○角城亦義熙中置城臨泗水南近淮魏高閭云
角城最爾在淮北去淮陽十八里五固之役攻圍
歷時不能克○古屯城在徐城縣西南八十五里
陳吳明徹於此置堰斷淮水以灌濠州緣此築城
置兵防守其城內南北作隔分爲兩城淮南招義
縣界又有一城臨水南北相對亦是同時築名屯
城招義今併盱眙○掛劍臺在徐城北三十里古
大徐城東北臨沛水今無餘址志云在東北百二
十里安河西岸卽徐君墓也○唐戒壇在州治西
大聖寺徐泗觀察使王智興以上生日請於本州
置壇度僧尼以資福許之於是來者輻輳智興用
此累資鉅萬李德裕上言若不鈴制至降誕日計
江淮失丁男六十萬爲變不細奏至卽罷之○紀
勝云唐龍朔中有僧伽者自西域至長安南遊淮
泗時山陽令賀跋玄濟請捨宅爲寺居之伽曰此
舊寺址不信掘地得碑乃齊香積寺併普照玉佛
金像寺成卽名普照中宗以觸太后諱爲親署額
曰普光景龍四年僧伽坐化于薦福寺返葬臨淮
爲起浮圖兩燬於火元延祐中再建高十五丈按
卽所謂泗州大聖也李白蘇軾俱有僧伽歌○金

鳳陽府志卷之十四

五

金

石錄云徐偃王廟碑徐安貞撰大曆八年十月豎碑陰張宙八分書

盱眙縣

在州治南七里

春秋襄五年仲孫蔑會吳于善道卽此地也今縣秦置於文張目爲盱舉目爲眙城居山上可以矚遠曹魏東晉立郡宋南渡立軍皆取其名元於此立臨淮府已省招信軍入焉亦宋之招信縣也○水經注曰淮水又東歷客山逕盱眙縣故城西故都尉治漢武封江都易王子劉蒙爲侯國王莽更名曰匡武矣○常建泊盱眙詩泊舟淮水次霜降

夕流清夜久潮侵岸天寒月近城平沙依鴈宿候館聽鷄鳴鄉國雲霄外誰堪羈旅情韋應物夕次盱眙詩落帆逗淮鎮停舫臨孤驛浩浩風起波冥冥日沈夕人歸山郭暗鴈下蘆洲白獨夜憶秦關聽鐘未眠客○方輿勝覽云清淮堂在縣治百花巖前取蔣穎叔綠野有佳氣清淮無點塵之句也○淮山堂在第一山超秀亭下宋米芾大書第一山三字刻于廳前東壁元章有莫論衡霍衝星斗且是東南第一山之句山下有刻成龍虎泉自其口噴出注于石池名玻璃泉泉之上曰秀巖唐宋

詩刻多在焉○臺子山在縣東一里宋書臧質守
盱眙以拒魏師魏造弩臺以射城中後人因以臺
名山山上有義帝祠史記秦二世二年項梁立楚
懷王孫心項羽尊爲義帝都盱眙後人祠之按在
今縣東北霸王廟西○馬給事祠在臺子山上按
魏志名鈞字德衡明帝時官給事中有伎巧造指
南車宋太祖南征泗州有軍騎萬餘爲聲援使人
探之旗幟間有馬給事字繼而城降訪有馬給事
墓因爲立廟曰智靈廟○縣東慈氏山自白虎坡
下崇勝寺舊有十六院崇福其一也在妙高峰下
祀檀香慈氏佛蔣穎叔作記蘇子瞻書扁院後有
杏花巖陳述古諸賢題曰普濟院近白虎坡有石
巖多花木春日如錦繡因名繡谷○崇福院招隱
洞之北有桑維翰墓耶律之亂維翰爲張彥澤所
殺耶律德光遷其尸葬于此又白虎坡下有潘閬
墓閬字逍遙有清才能詩○縣東有磨旗山相傳
南北交兵時每豎旗山頂故名又臧質守盱眙魏
人依都梁山築長城造浮橋絕水路今名長圍山
○丰山在縣東北五里下闕淮沙其勢陡峻宋高
宗渡此有刻題元保童磨去加刻領兵十萬過此

數字○東山居治之東有石洞二左曰靈關右曰
劍壁洞中曲折相通宛若仙界所稱南山十景此
居其首山上有北望亭○上龜山在縣西南舊有
八仙觀又有招隱仙臺米芾題云山徑重重鎖綠
苔松花曾見幾番開羣仙費盡招呼力那得休官
一箇來○龜山在縣北三十里卽下龜山也宋文
帝築城其上以拒魏上有絕壁下有重淵嶽瀆經
云禹治水三至桐柏獲淮渦水神名無支祁善應
對辨江淮之深淺原陞之遠近形猶獼猴縮鼻高
額青軀白首金目雪牙頸伸百尺力踰九象搏擊

騰蹕疾奔輕利倏忽不可久視禹授之童律童律
不能制授之烏木田烏木田不能制授之瘦辰瘦
辰能制木魅水靈山妖石怪奔號發繞者以千數
瘦辰以戟逐去之遂鎖頸以鐵索穿鼻以金鈴鎖
于龜山之足淮乃安流□唐永泰初李湯刺楚州
時有漁於龜山下者鈎不能出因沈水覓之及底
可五十丈見大鐵索蟠遶山足不知其端具以告
湯湯命能水數十人從之沈獲其鎖不能動以五
十牛拽之乃稍稍就岸忽起驚波翻浪觀者大駭
拽至索窮出一獸狀如青猿白首長鬣雪牙金爪

闖然岸上高五丈許蹲踞起伏但兩眼不開兀若
 昏睡耳目口鼻悉流涎沫如泉腥穢不可近久乃
 引頸伸欠雙眸忽開其光如電顧視人馬欲發狂
 怒觀者狼狽四走獸亦徐徐引索拽牛没于水中
 按龜山塔北數武百牛潭是沈牛處○張商英龜
 山水陸院記云以佛書攷之則五百梵僧遊止之
 所以道經攷之則太真元君之別治也山有五名
 曰迦葉曰寶積曰紫銅曰五峰曰歸來號為南五
 臺○詩說迴文擅場惟有周知微龜山詩云潮回
 暗浪雪山傾遠浦漁舟釣月明橋對寺門松逕小

檻當泉眼石波清迢迢綠樹江天曉靄靄紅霞海
 日晴遙望四山雲接水碧峰千點數帆輕○上龜
 山寺在上龜山者鍊鑄羅漢一百五十軀○下龜
 山寺宋天禧中金臂祖師建亦皆鍊像歐陽集云
 京陽歲旱有浮屠斷臂禱雨官為起寺龜山於是
 民男女投淮水歲數百人曰佛法用此得大利侍
 御史歐陽載知泗州盡捕其徒誅之奸民遣還鄉
 里者數百燬其寺今重建于國初洪武八年寺內
 有聖母井即大禹鎖水怪處俗傳泗州僧伽大師
 降水母於此又名水母洞○寰宇記云都梁山在

縣南十六里按志澤蘭一名都梁香草茲山所產
 故名古詩博山爐中百和香鬱金蘇合與都梁卽
 此物也隋大業二年煬帝起行宮山上殿閣三重
 文第週遶下有磬泉七眼湧出合爲一流於東泉
 上起流杯殿於宮西南淮水側鑿釣魚臺臨淮高
 岸又起四望殿前有曲河以停龍舟大舸其離宮
 別館縈帶淮濱俗呼都梁宮今縣西南三里都梁
 臺遺址尚存古老相傳煬帝於都梁山避暑將回
 揚州起都梁驛亦有宮殿在縣東南十五里地名
 蓮塘是○臨淮志云玉環山在縣西二十五里又

名女山以形如玉環迴旋相映故名山有二神女
 廟相傳滑州柳長者攜二女至此山下死後人神
 之爲立廟○九頭山在縣南三十五里山有九丘
 纍纍若首也浮山在縣西七十里俯臨長淮山下
 有穴水涸乃見亦名浮山洞上有靈巖寺今廢唐
 趙嘏詩明月溪頭寺蟲聲滿橘洲倚窓香徑晚移
 石太湖秋古樹雲歸盡荒臺水更流無人見惆悵
 獸上最高樓羅鄴詩寺人千巖古路荒孤吟一宿
 遠公房臥聽半夜杉松雨轉覺中峰枕簟涼花界
 已無悲喜念塵襟自足是非防他年縱使重來此

息得心猿鬢已霜○浮山堰在縣西百四十里梁
天監十三年魏降人王足陳計求堰淮水以灌壽
陽且引北方童謠曰荆山爲上格浮山爲下格潼
沱爲激溝并灌鉅野澤武帝遂發徐楊人率二十
戶取五丁以築之令太子右衛率康絢護堰作役
人幾二十萬於鍾離南起浮山堰北抵巉石依岍
築土合春於中流十四年四月堰將合淮水漂疾
輒復潰決衆患之或謂江淮之間多有蛟龍能乘
風雨決壞崖岸其性惡鐵因引東西二冶鐵器大
則釜鬲小則鍤鋤數千萬斤沈於堰所猶不能合
乃伐樹爲井幹填以巨石加土其上緣淮百里內
岡陵木石無巨細必盡負擔者肩背上皆穿夏日疾
疫死者相枕蠅蟲晝夜聲合是冬又寒甚淮泗盡
凍士卒死者十八九至十五年四月堰乃成其長
九里下濶百四十丈上廣四十五丈高二十丈深
十九丈五尺夾之以堤並樹杞柳軍人安堵列居
於上其水深潔俯視邑居墳墓孑然在下其壽陽
戍因移置八公山夾淮數百里皆水所淹或謂絢
曰四瀆天所以節宣其氣不可久塞旣而昏霧不
解俄頃堰決殺數萬人其聲若雷聞三百里水中

惟物隨流而下或人頭魚身龍形馬首殊數詭狀不可勝名按荆山堰今懷遠縣渦口東岸是也○九域志云赤欄浦在縣城南二里上作赤欄橋其水淺曲不通舟楫○新開直河在縣城北六十步縣郭內引淮水至黃土岡准太極元年勅使魏景倩奏開達揚州○運河自龜山蛇浦起訖于洪澤鑿爲複河長五十七里廣十五丈深丈有五尺以便漕運蘇軾詩故人宴坐虹梁南新河巧出龜山背○萬歲湖在縣西二里方圍三十里昔周世宗駐蹕于此民皆呼萬歲故名○破釜塘卽洪澤浦在縣北三十里鄧艾立白水塘與破釜相連開水門八煬帝幸江都久旱遇雨遂崩故名○城邑攷云漢王城霸王城小兒城俱在縣東北三十里三城相連項氏立楚後時屯兵處○公路城袁術築也按臨淮盱眙二縣交界之處有公路村卽其遺址○古奔精城在縣南六十里平地古老相傳是蠻奔精王所築未詳年代○東陽城在縣東七十里東陽山下楚漢之際曾以東陽爲荆國封劉賈爲荆王卽此地○隋志漢睢陵縣後齊曰池南後周日招義大業曰化明唐武德初土人楊益據之

自稱化州刺史復析化明置睢陵尋以化明爲招
義宋改曰招信元廢入盱眙今舊縣有巡簡司街
道城隍猶存○塚記云王彭父墓在縣東十七里
按宋書王彭盱眙人家貧無以葬親鄉里各出夫
力助作塹塹塹水而天旱遠汲不周彭號天自訴
一旦大霧霧歇塹竈前忽出泉葬竟水仍竭今墓
尚存

天長縣

在州東南
百五十里

二漢廣陵國地梁曰涇州曰東陽郡陳曰沛郡後
周曰石梁唐開元中於下阿村置千秋縣天寶七

年改今名按唐志改千秋爲天長地久節故天長
觀亦名千秋觀云宋置天長軍尋復爲縣○紀勝
云舊城楊行密所築其城西隅有胭脂山土阜光
赫包孝肅爲令改名紅山○城北一里有大湖昔
有二驢鬪其中須臾雲霧四合平地波濤因忽不
見至今陰晦輒聞水上有鷄犬機織之聲○沈存
中筆記云嘉祐中天長縣陂澤間有一蚌張殼大
如半席殼中白光如銀含如拳大珠爛然不可正
視其行如飛林木皆如初月所照崔伯易親見之
作明珠賦○志云縣治東二賢祠爲包拯朱壽昌

也包知天長多異政有訟盜割牛舌者公使歸屠牛鬻之既而有告私屠者包詰曰何爲已割牛舌又訐之乎盜色變遂引伏口朱康叔家天長東南四十五里秦蘭鄉七歲父出其母及長行四方求訪乃棄官入秦與家人訣不見母不復歸行次同州得之初朱以官蔭知閩州及廣德軍事聞折資通判河中府迎其同母弟妹以歸母卒歸葬有白烏繞墓之祥○紀勝云樂樂堆在縣北十里煬帝幸江都宴樂于此俗名落鴈墩寰宇記云浮山在縣南三十里雲氣勃出山如浮動故名上有介之

推廟又二十里爲橫山山勢橫亘其上有竺龍祠宋建炎間劉綱保聚于此○冶山在縣南四十五里漢吳王濞鑄冶之所有天井白龍池鐵牛洞在山上出石色紅又十五里爲道人山昔有異人煉丹于此頂出泉曰丹泉天旱不竭○覆釜山在縣西五十里以形似名有周世宗廟云其所駐蹕也○唐六典云天長有石梁堰源出滁州山澗中石梁魚爲上物舊以充貢縣北有石梁城後周梁郡設此○萬歲湖在縣西五里方圍十里相傳秦始皇東巡時郡人呼萬歲處○馬塘在縣東三十里

每陰雨塘中有白馬出食苗人以爲龍其地有蘆龍井古志傳云異人汲井嘗用蘆竹因化爲龍又有琉璃井在縣東真勝院梁普通達磨大師建井甃之石瑩若琉璃故名

宿州

在府治西北二百里

管縣一

宿男國在東平州春秋宋人遷宿在宿遷縣此固秦之苻離竹邑地也兩漢俱屬沛郡以睢水繞其北境故南梁北齊立睢州及睢南郡焉唐元和始置宿州理虹縣太和初廢尋復置徙理苻離宋爲保靜軍領縣四无隸河南歸德府以虹屬泗以臨

渙蘄苻離三縣省入州

國初始改今屬○志云

甬橋一名苻離橋在州北二十五里漢元狩中封路博德爲苻離侯于此晉爲斛城縣亦名朝斛城

○唐史元和四年以徐州苻離之地南臨汴河有埭橋爲舳艫之會襟帶梁宋運漕所歷乃於地立今州甬者道上加土之名唐李正己反屯甬橋是也○志云離山在城北五十里產苻離草爾雅有莞苻離卽此故秦苻離縣以名史記陳涉傳初起兵有葛嬰朱鷄石苻離人○州鄉曰相城渙陽蘄縣大澤皆古名史記陳涉傳秦二世元年發閭左

戍漁陽九百人陳勝吳廣皆為屯長行至蕪屯大
 澤鄉會天大雨度已失期遂自立為將軍都尉攻
 大澤鄉拔之收兵攻蕪鉅皆下史記劉媪息大澤
 之陂夢與神遇亦當是此地蓋彼時蕪正屬沛郡
 也蕪縣鄉在州南四十六里其地有艾子城或云
 蕪草似艾義通○漢書沛郡治相縣今州西北九
 十里相山下有相城遺址宋共公自睢陽徙居于
 此城北有宋共姬墓春秋時宋火共姬曰保傳不
 在不宵下堂以及於難○寰宇記云相山南有唐
 永徽碑云晉武太康五年令有國諸侯祀界內山
 川時相屬沛國令郭卿云相山上應房心之宿能
 興風雨乃建廟刻石銘曰巍巍相山盤紆穹崇上
 應房心與天靈冲興雷播雨稼穡以豐愚按元和
 置州命名或本此今州治東北馬神廟祀典載祀
 天駟房星也○統志云陽城秦縣在州南秦末陳
 涉生于此顏師古韋昭以為汝南之陽夏者非今
 州西北六十里丘疇山之麓有陳勝墓勝為其御
 者所殺漢高帝為置守塚三十家○元揭傒斯望
 先樓記云州之東有東山多巖洞皆神人真士所
 居有趺坐一洞數十年不出山者去州西北三十

鳳陽府志卷之十四
里○揭奚斯又云州北有打鼓山亦去城三十里
舊傳山中有聲如鼓鳴歲則大熟○又四十里爲
騫山以閔子騫而各山上有閔子曬書臺其下有
閔子墓其左有龍澗潭水出灌田數千畝○隋志
臨渙縣有龍岡按卽龍山城也北齊置龍山縣隋
省入臨渙○梁書普通六年北取銍城置臨渙郡
今廢入鄉以臨渙水而名○銍漢縣也春秋蹇叔
所居晉嵇康之先徙居銍銍有嵇山因以爲氏舊
傳叔夜墓在臨渙鄉西北三十五里嵇山東一里
○志云睢河源出河南夏邑白河東流經符離河

道宿遷至清河會泗水入淮漢地理志睢水首受
浪蕩水東至取慮入于泗自睢之外有淝河源出
龍山湖流至懷遠縣有澮河源出河南馬長河經
本州東流至五河縣有泡河源出亳州舒安湖經
臨渙鄉合澮入五河縣有蠓河源出仁義鄉東流
經靈壁縣有渙水出渙陽鄉有蘄水出蘄縣鄉東
合睢水已上凡七水俱入于淮○蓮花湖舊爲睢
陽驛芻牧之所今驛在東門外睢水經其北故名
又有百善道驛在州西七十里古百戰道也○隋
書煬帝大業三年自汴開河經本州至泗長凡千三

百里兩岍築堤今州城東西尚有故迹名曰隋堤
按唐書註宿水東北有隋故牌湖隄灌田五百餘
頃顯慶間修復卽此地也

靈壁縣

在州東百二十里

史記項王東至彭城漢軍走入穀泗水又追擊至
靈壁東括地志云靈壁故城在符離西北九十里
漢爲虹縣地東漢下邳郡地志云舊爲零壁鎮取
其音同而名之也宋元祐中陞縣易零爲靈以縣
產磬石珍之如壁故名○鳳凰山在縣西五里以
山勢飛翔也栲栳山在縣西北五里山形如椅故
名○齊眉山在西南三十里山開八字如眉國初
成祖皇帝渡淮嘗駐蹕其上○磬石山在縣北七
十里石顛給公家之用民間私採者則無復聲其
山北距泗水五六十里當橫流之際泗水經山下
故禹貢有泗濱浮磬之文揮塵錄云宋政和間起
良嶽異卉奇石來自東南不可名狀靈壁縣貢一
巨石高二十餘尺周圍稱是舟載至京師毀水關
而入千夫昇之不動或啟上此神物宜表異之裕
陵親書慶雲萬態奇峰六字仍以金帶加其上頃
刻移至苑中○陳疇山在縣北八十里陳疇保有

希夷先生遺蹟一名陳搏山○潼山屬南華鄉莊
周修道之處至今有莊姓居之其後裔也舊有南
華觀洪武間赤脚張居之煉丹九年成仙按志潼
郡城在縣北百二十里卽漢取慮縣屬臨淮後漢
書楚王英都徐州光武三十年以臨淮之取慮益
楚國是也志載州東北七十五里之潼郡鄉漢封
丞相匡衡于此○濠城在廢虹縣西南七十八里
西漢浚侯國東漢浚縣也屬沛郡浚水所出南人
淮垓下則浚縣之聚落也寰宇記云垓下在虹縣
西五十里有項王廟漢兵圍項王於此夜聞四面
皆楚歌與虞姬泣別潰圍而出唐胡曾詩拔山力
盡霸圖隳傍劍空歌不逝騅明月滿營天似水那
堪回首別虞姬○漢書項羽追擊漢軍大戰靈壁
東睢水上多殺漢卒睢水爲之不流按志在縣北
六十里小河宿之諸河惟睢爲大東流至靈壁北
境以其通宿遷之大河故名小河○縣東北十五
里有湖其中巨石屹立水漲及涸不過舊痕因名
石湖又有沫溝湖故老相傳晉宋間地陷所成每
天色晦冥之際水中隱隱有城屋狀○古城三座
俗皆呼爲霸王城一在縣西南一在縣西北各去

七十里又一去西北城者五里○城東二里有虞姬墓微辨丘壟相傳定遠葬其首此葬其身云○宋時有靈壁張氏園亭蘇子瞻記曰道京師而東水浮濁流陸走黃塵陂田蒼莽行者倦獸凡八百里始得靈壁張氏之園於汴之陽其外脩竹森然以高喬木翦然以深其中因汗漫之餘浸以爲陂池取山之怪石以爲巖阜蒲葦蓮芡有江湖之思椅桐檜柏有山林之氣奇花美草有京洛之態華堂厦屋有吳蜀之巧其深可以隱其富可以養其蔬菜可以餉隣里魚鱉筍芋可以餽四方之賓客余至彭城移守吳興登舟三宿而抵其下云按汴河在縣治南二十步舊通大梁今亦淤塞

潁州在府西四百里管二縣

春秋胡國舜苗裔左氏曰吳之入郢也胡子盡俘楚邑之近胡者楚既定胡子豹又不事楚曰存亡有命事楚何爲多取費焉定公十五年楚滅胡○志云州治北城胡子城也南城汝陰城也故杜預注左氏曰汝陰西北有胡城矣○寰宇記云汝陰西北一里有女郎臺古老相傳昔胡子之女嫁爲魯昭侯夫人築臺賓之臺上有井○一統志云汝

水在州南百二十里源出汝州天息山經新蔡朱
臯鎮東流入淮州居汝水之南故漢立汝陰縣以
此高帝五年夏侯嬰之封國也○汝南先賢傳云
漢何比干字少卿汝陰人學尚書於晁錯初為縣
決曹掾武帝時為廷尉正已為丹陽都尉獄無冤
囚漢書註曰征和中有嫗至其家懷中出符策九
百九十授之曰天帝以子鞠獄平恕賜策廣爾子
孫佩印符者如此數後生九子貴盛悉符嫗言今
治內有比干宅是也○漢末袁閔避地汝陰講讀
之暇游釣河濱今州東七十里有釣魚臺是其故

址○晉志鄧殷夢行水邊見一女猛獸從其後占

曰水邊女汝也獸者守也當作汝陰大守果然○

搜神記云汝陰有隗炤善易臨終出板授其妻云

後五年春當有詔使至姓龔以此版索其逋至期

果有龔使至妻乃齋版往龔惘然良久乃筮之歎

曰隗生可謂善鏡窮通而洞吉凶者矣吾不負金

汝夫自有金知亾後當暫窘故藏金以待知我善

易故畱版以寄意金五百斤盛以青甕覆以銅盤

在臺東去壁一丈入地九尺掘之信然○志云潁

州後魏景明中設取潁水為名潁水舊自黃河項

城縣界流入州屬潁上太和等縣古語有世亂潁水濁世治潁水清之句○名臣言行錄云晏元獻守潁州築室北渚以臨西溪名清漣閣手植雙柳後人呼雙柳亭○呂正獻倅潁時作亭倅圃種葵焉及爲守時休息其中命曰葵亭邦人思之爲立葵村社申公葵亭集本此○潁西二里有湖袤十里廣二里翳然林水爲一邦之勝歐陽修自楊移潁有都將二十四橋月換得西湖十頃秋之句公樂其風土築室湖上仍自爲詩序曰皇祐二年予方畱守南都已約梅聖俞買田于潁上其詩云優游琴酒遂漁釣上下林壑相攀躋及身強健始爲樂莫待衰病須扶攜此蓋予之本志也時年已四十有四其後丁家艱服除還家遂入翰林爲學士忽忽七八年間歸潁之志雖未遑然未嘗一日少忘焉今年六十有四蒙上哀憐曲從其便私免并得蔡蔡潁連疆因得以爲歸老之漸少償其夙願莫大之幸也○文忠公于州治起聚星堂與候石王回深父臨江劉放貢父州人常秩夷甫六安焦千之伯彊以爲日夕遊燕之所○按志王回從父宦潁舉進士免歸薦爲節度推官知陳州南頓



原件短缺

縣書下而卒歐文忠王荆公爲文祭之○劉攽官
集賢校理丁外艱至禩依文忠公其詩云羈鳥能
擇木游魚知赴淵卜居幸樂國負郭依良田劉元
城云貢父好謔然立身立朝極有可觀故人喜與
之遊○澠水燕談云常夷甫以行義薦朝廷官之
不起歐陽公晚年治第于頴有詩曰笑殺汝陰常
處士十年騎馬聽朝鷄及公致政而常以待制起
朝請人改公詩曰却笑汝陰常處士幾年騎馬聽
朝鷄○焦千之焦陂人以文學受知文忠時呂中
公倅頴延之教諸郎希純輩後授秘書校理終知

盟人東京錡寘家寺中積薪於門戒守曰脫不利
卽焚之無辱敵手壬寅圍城時城中不足恃乃取
偽齊所存癡車以輪轆埋城上又撤民戶扉週匝
蔽之傳城加築羊馬垣穴垣爲門矢來皆自垣端
軼著于城或止中垣上又以破敵弓神臂弩自城
上或垣穴中射敵無不中金營東村白沙渦去城
二三十里錡募壯士五百夜斫其營值電光四起
見辮髮者輒殲之金兵退十五里復募百人銜竹
踞如小兒戲物直犯金營電出則奮擊電止則不
動百人者尋踞聲則復聚一處金人不能測終夜

自戰積屍盈野又使人謂兀木曰太尉謂太子必不敢濟河願獻浮橋五所於潁河上明日果然敵出之濟錡遣人毒潁上流及革上戒軍士雖渴死毋飲于河飲者誅時大暑敵遠來疲敝晝夜不解甲我師閒整皆番休食羊馬垣下敵人馬饑渴食水草皆困乏方晨氣清涼我兵不動未申之間遣數百人出西門俄又遣出南門戒勿喊但以銳斧犯之士殊死戰敵大敗乙卯拔營去自壬寅至甲寅凡十三日錡以所部八字軍五千人屢戰破金兵數十萬人于潁河上捷聞授武泰軍節度知順

昌府沿淮制置使○志云州西百二十里有廢沈丘縣宋城隍廟碑春秋沈諸梁墓猶存城中應劭註漢書沈子國今沈亭是按沈亭在沈丘城東五里秦高士沈郢所築沈君之後也秦徵爲相不就乃垂釣於潁水爲亭以居沈亭南有阜陽城今郵亭是也又有青陽館漢光武討王尋駐蹕之地○按沈滅於春秋定四年左傳云晉爲召陵之盟沈人不會晉使蔡伐之夏蔡人滅沈以沈子嘉歸殺之 本朝弘治十年別置沈丘縣于陳州與潁西接壤○州南百里有廢平輿城東漢志汝南平輿

縣有沈亭蓋沈地也隋志改新蔡爲平輿今土城尚存四門人居不改其北枕谷河東南隅有斷碑俗呼爲遠城鄰于新蔡○按漢書戴憑次仲許揚君偉陳蕃仲舉許劭子將兄虔從兄靖皆知名當世平輿人諺曰平輿之淵有二龍言劭虔也○州西二百里有鯛陽村漢縣以城在鯛水之陽而名光武封陰慶爲鯛陽侯陰麗華之兄弟也故第今郵亭是城中有畢卓故居池方十畝呼爲畢卓池攷晉書卓鯛陽人今故城東偏有卓墓○漢書鄴縣屬汝南郡光武封殷後孔安爲殷紹嘉

備三恪國於宋後徙新鄴志云州東五里有土阜屹然高大疑卽鄴丘城也俗呼賴陽城東漢書郭憲字子橫汝南宋人或曰宋卽新鄴也未詳○寰宇記汝陰縣東五十六里有清丘城隋縣也唐武德中廢今賴河北岸清丘村北趙寺是舊治所○信州城在汝陰西北十五里隋末郡城爲賊房獻伯所陷郡人江子建設險爲柵禦之唐武德初以子建爲刺史因柵處築城以近汝南褒信故名信州已復名賴州移入舊城○南史任忠小字蠻奴汝陰人仕陳沿淮諸軍霍州刺史封梁信公於賴

水北岍三里築城以迫汝陰今為河水蕩决俗猶呼蠻奴寨○汝陰東北四十五里有博城司馬官王使鄧艾於此屯田以備東南蓋倉城也○隋志東魏置財州後齊廢以為包信縣按志即州南百十里才城也有二土城東西相去二三里土人呼為東才城西才城又三十里有永安城市井子城俱存乃武德初與信州同置者○州北有城二曰東城西城州西有曰省城曰黃城在舒陽河之南曰屯城在龍頂灣南後唐劉仁贍所築○汝水之陽有地理城即元之潁水縣今為寺寺基故城隍

淮水之西有關王城蜀先主依袁氏所築今半已嚙於淮又有相讓城在城東二里傳為楚王避暑之所一名相讓臺楚史拾遺云楚莊王立層臺于寢丘諫而死者七十二最後納寢人諸御之言而臺成今州之東嶽廟其故址云○州南百里淮河漸寬之處有水臺云楚平王觀競渡于其上今名水臺灣相傳楚靈王自水臺西開通商渠自淮以達胡城即其地也○州西鄉二圖有乳香臺不知所本遺址猶存四面潁水遶之上有香臺寺近沈丘○州東六十里有夷陵春秋宣十一年楚盟

陳鄭于辰陵穀梁氏作夷陵杜氏曰辰陵在潁川
 長平東界○州西百八十里有三障陂相傳光武
 敗王尋于此及即位下詔掩骼成丘今呼水丘○
 州南八十里淮河畔有金丘相傳楚王埋金于此
 以厭勝者○州西百六十里乳香臺下流有貨丘
 後被黃河決破呼為破丘○河志曰金之季年河
 決太康自潁西北陳州界入境東南流經潁城北
 元末又自通許分派一支入渦河一支自陳州商
 水入南頓混潁水東流過項城趙家渡入州境
 本朝正統二年復徙鹿邑舊流遂絕成化末年黃

河一支復通于潁

潁上縣在州東百二十里

寰宇記本漢汝南慎縣地也按古慎城在今縣西
 北東漢劉賜何進皆封慎侯故黎邑也方輿記云
 隋大業二年於今縣南故鄭城置潁上縣以地在
 潁水上游為名唐武德初移今理○志云舊縣城
 距今縣北十二里臨沙河基址猶存吳魏之際設
 關防于此最謹又縣東南八十里兩河口有城基
 周三里俗傳蜀伐吳時築名張飛城又故縣西南
 六十里有荆亭城見寰宇記所載○春秋管夷吾

穎上人也史記本傳註曰穎水名今有穎上縣志
 云管氏墓在縣北關有高塚在而青州臨淄牛山
 之下復載或曰仲齊相葬固在齊穎上其父管嚴
 之塚也又縣西北五十里穎陽鄉江子口四畝有
 段靈君鐵丘墓未詳按唐史廣明元年黃巢圍穎
 刺史欲以城降段秀實客穎乃募少年拒賊賊潰
 拜州司馬或其神也○一統志縣東五里羅秦鄉
 有甘羅墓舊傳甘羅穎上人今甘城驛甘羅鄉皆
 其故蹟羅童時事呂不韋為庶子秦欲使張唐相
 燕唐不肯行羅曰夫頃橐七歲為孔子師今臣生

十一歲於茲矣若其試臣可乎於是見張唐說而
 行之後使羅於趙趙王郊迎割五城以廣河間還
 報始皇以為上卿復以甘茂田宅賜之按史記羅
 甘茂之孫楚下蔡人○唐布衣趙耕張龍君傳君
 諱路斯穎上百社人也隋初明經登第景龍中為
 宣城令夫人石氏生九子公既罷官歸每夕戌出
 丑歸體常冷溼石氏異而叩之公曰吾龍也蓼人
 鄭祥遠亦龍也騎白牛據吾池自謂鄭公池吾屢
 與戰不勝明日取決可令吾子挾弓矢射之繫鬣
 以青綃者鄭也絳綃者我也明日子遂射中青綃

者鄭怒東北去接合肥西山死卽龍穴山也由是九子俱爲龍口按路斯蛻骨處名龍池在縣治西南四十里淮潤鄉又百社村在州東三十里賴水之北張家湖之東歐陽集云余嘗以事至百社村通昭靈侯祠下見其林樹陰鬱池水窈深誠異物之所托也○寰宇記云關洲在縣西南四十五里魏志司馬景王征毋丘儉使諸葛誕從安風津先至壽春儉與弟秀藏水邊草中安風津人張屬獲之卽此洲也按志張龍公夫人石氏關洲村人柔應夫人墓則在淮潤鄉口蘇軾昭靈廟碑略云公歸自宣城常釣於集氏臺之陰一日顧見釣處有宮室樓臺遂人居之夫人石氏葬關洲與志稍異又云公兄爲馬步使者子孫欲居賴上其墓皆存自景龍以來賴人世祠之于焦氏臺乾寧刺史王敬堯始大其廟宋乾德中陶穀爲文記之熙寧中始加昭靈柔應之號廟有穴五往往見變異出雲雨或投器穴中則見于池而近歲有得蛻骨于池者金聲玉質輕重不常藏之廟中元祐六年秋旱甚郡守龍圖閣學士左朝奉郎蘇軾迎致其骨于西湖之行祠禱焉其應如響乃益治其廟作碑而

銘之○志云縣北十二里有陽臺臺東西二水合流經臺下曰陽臺東西湖物產衆多民獲其利水源出於沙河也沙河在縣東門外即潁水之別名東南入淮

太和縣 在州西北八十里

漢汝南郡細陽縣地也州志云西北四十里有細陽城近茨河舖西三里光武封岑彭子遵為細陽侯即此謝承後漢書曰范滂字孟博細陽人少勵清節為鄉里所服張酺字孟侯顯宗開四姓小侯學酺為之師亦細陽人○寰宇記云萬壽縣本汝

陰之百尺鎮古百尺堰也在汝陰西北百里晉司馬宣王討王凌至百尺堰即此宋開寶中分汝陰北五鄉于百尺鎮立萬壽縣以萬壽鄉為名宣和中改萬壽為泰和元省入潁州後復置隸汝寧府 國朝洪武元年除高進來知縣事招撫遺民六百戶分為六鄉開設縣治改泰為太旋改今屬○寰宇記云縣南七里高鄉郭古老云魏高貴鄉公所築○五代史天雄節度使楊師厚斤溝人按即今縣南斤溝店○志云原和鄉在西北四十五里其處有潁陽信陽二縣○縣北七十里有宋玉

鳳陽府志卷之十四
城周四里按後魏遣宋玉劉景攻壽陽築城于此
非楚之宋玉也縣東南七十里
有柳河東北三十
里有茨河二水俱入沙河沙河在縣南二里流入
潁上界

亳州

在府西北四
百五十里

山堂攷索云商有三亳偃師縣爲西亳穀熟縣爲
南亳考城縣爲北亳皆非今州地也州乃周武王
封神農後于焦春秋爲焦邑屬陳陳滅屬楚秦漢
爲譙縣屬沛郡後漢豫州刺史治此晉魏爲譙郡
元魏爲南兗州其稱亳州自宇文周始也唐初爲
譙州旋改亳州志云唐譙縣尉解碑糾曹廳壁記
見存宋曰集慶軍元仍亳州屬歸德府 國朝初
爲亳縣弘治九年陞縣爲州改今屬○廣記云譙
陵城楚平王築卽譙縣城也宇文周改曰小黃隋
開皇末分小黃置梅城縣在譙南四十里殷梅伯
國也煬帝改小黃仍爲譙省梅城入焉○後漢書
興平十五年魏公操下令曰狐在濟南病還鄉里
時年紀尚少乃于譙東五十里築精舍欲秋夏讀
書冬春射獵爲二十年規待天下清乃出耳然不
能得如意乃爲國家討賊立功使題墓言漢故征

西將軍曹侯之墓此其志也○志云城內北街之東有魏武帝故宅今玉清萬壽宮是其故址○輿地紀云州東百二十里有天靜宮在福寧鎮東南元翰林張起巖撰碑謂老子母懷八十一年指李而生子大耳因名曰聃卽此地也宮南距渦河二里下臨淮水有碑漫滅宋天禧二年盛度文謂卽玉龜山太霄宮之別館流星園之聖母殿流星園者老子降誕之夕有星突流于園中俱在宮東○括地志云史記稱老子苦縣厲鄉人苦縣在亳州谷陽縣界有老子宅及廟廟中九井尚存今亳州真源縣也隋改谷陽爲仙源唐高宗幸瀨鄉改仙源爲真源注水經曰谷水東逕瀨鄉城南其城實中東北隅有臺偏高倚谷水俗謂之谷陽臺谷水自此東入渦水逕老子廟東崔玄山瀨鄉記有老子祠老子生平教化學堂故基也漢桓帝遣中常侍左館至苦縣祀老子命邊韶爲文祠北三里爲李母祠有碑在東院李母星名也在斗魁中按一統志老子宫觀俱收河南鹿邑縣下然故蹟多在本州界○裴松之述征記云老子宫前有雙松柏左階之柏久枯隋大業十三年忽然根生一枝聳



原件短缺

榦丈有三尺枝葉青翠唐武德二年更生一垂直上五尺橫披兩層枝葉相覆異於常樹○寰宇記云太清宮玄元舊宅有檜樹鹿蹟俗傳老君騎白鹿緣檜上升處宮前雙闕各高丈七尺魏黃初中建闕銘是鍾繇書文缺惟數字可辨宋祥符七年真宗幸太清宮加號太上老君混元上德皇帝一統志云太清樓真宗幸亳時建志作朝真迴蹕樓此在城西非宮樓也○寥陽萬壽宮在城內南街之西編修杜禧撰碑云在望仙伏龍橋側呂仙翁棲遊之所城外西北一里通真觀乃明王臺故基

城南三十里黃河在縣西北三十里俱入渦河○州北門外渦水橋曰靈津橋陳堯叟撰碑文魏文帝集建安十九年上至譙予兄弟從上游觀經東園遵渦水相羊高樹之下乃駐馬書鞭爲臨渦賦按渦河在州西二十八里從故真源縣東來至州北城外與馬尚河合東流逕蒙城至懷遠縣東北入于淮○寰宇記楚平王築譙城有憚獨母薛氏生自爲墳時來餉築城丁夫衆德之爲益土而大其墳卒葬焉今州西三里有獨母冢是界有麥丘城齊桓公見麥丘人問其年桓譚新論所載○魏

志文帝生于譙上有青雲如車蓋遶城終日東漢
 熹平五年黃龍見譙太史令單颺曰譙國有王者
 興不五十年當見內黃殷登默記之延康元年黃
 龍復見登曰單颺之言驗矣魏略云文帝以譙先
 人之國併長安許昌鄴洛陽立為都號五都州東
 五里有魏武帝文帝廟宋穆修碑記○一統志魏
 文帝幸譙父老於帝故宅立大饗碑曹植文梁鵠
 書鍾繇篆時稱三絕東南三里有魏武饗軍之臺
 臺八角俗呼八角臺故宅今察院是有魏武所築
 讀書臺○塚記云夏侯湛墓在亳州東北四里夏

侯太初也稱壁人塚○祁華父墓在縣湯陰鄉歐
 陽修撰神道碑存○碑曰云唐岳牧上考詞石表
 開元二十六年令十道採訪使擇天下岳牧政之
 尤者三十二人趙東曦以其考詞勒之石表其略
 曰文學資身温良植操勤于政理惠彼黎元考中
 上凡十九字玄宗御札也

壽州 在府西百八十里 領縣二

伏滔正淮論曰淮南者三代揚州之分也當春秋
 時吳楚陳蔡之與地戰國末楚全有之考烈王都
 焉號曰郢都州城即其所築西南小城即春申君

黃歇之居按志春申臺在州城內東北隅遺址猶存又曰秦并天下建立郡縣是爲九江劉項之際號曰東楚爰自戰國至于晉之中興六百餘年保淮南者九姓稱兵者十一人焉洎論蓋爲袁真據壽陽而發也○漢書淮南王安反國除復爲九江郡後漢曹魏爲揚州刺史理所東晉豫州亦鎮於此自後常爲南北朝疆場之地○魏又有安豐郡自晉至宋并屬南朝或爲壽陽郡或名荆河州齊永初裴叔業以城叛降後魏李崇爲守十年養壯士數千寇來無不摧破鄰國號爲門虎梁普通七年克之太清元年侯景降以爲豫州刺史鎮壽陽明年復以壽陽降魏魏改曰揚州北齊因之陳大建五年取壽陽隋平陳始改壽州煬帝改淮南郡唐初杜伏威歸順仍曰壽州天寶改壽春郡置都督府領壽春安豐霍丘盛唐霍山五縣隸淮南道乾元復爲壽州置淮西節度治此五代唐爲順化軍吳爲忠正軍南唐爲清淮軍其時劉仁瞻鎮之周師圍城久不下李景旣割地而仁瞻猶堅守病中其子崇諒出降仁瞻召斬崇而副使竟納款仁瞻遂以其日氣絕世宗因移壽州治下蔡復名爲

忠正軍曰吾以旌仁瞻之節也故 國朝十廟祀
典仁瞻與焉宋政和間陞忠正軍爲壽春府中興
後沒於金始陞安豐爲軍及復淮北府治仍歸壽
春而淮北府仍名下蔡安豐軍復爲縣焉○志云
本州元之安豐路也末年劉福通據之洪武元年
廢安豐下蔡壽春三縣併爲蒙城霍丘○正淮論
曰壽陽南引荆汝之利東連三吳之富北接梁宋
平塗不過七百西援陳許水陸不出千里外有江
湖之阻內保淮淝之固龍泉之陂良疇萬頃舒六
之貢利盡蠻越金石皮革之具萃焉苞木箭竹之
族生焉山湖藪澤之隈水旱之所不害土產艸滋
之實荒年之所取給州之地利形勝盡於此矣○
八公山地理通釋云一名淝陵山以山下有小淝
陵縣也在壽春北四里淝水之北淮水之南水經
注曰淮南王安時有八公請門鬚眉皓素閤曰吾
王好長生今先生無駐衰之術未敢以聞八公咸
變成童王乃見之敎王服食後白日昇天餘藥在
器鷄犬舐之皆仙上有隱室石井俗名八角井相
傳安與其賓客八人登此山學仙有故臺及人馬
迹○寰宇記云八公山有淮南廟圖安及八士之

像有齊永明所建碑云王與八公埋金其上一名
金梭堆在州東十里雨後輒見金○古今樂錄云
正月上辛八公來見王作八公操遂與相攜俱出
莫知所往小山之徒思之作淮南王曲焉齊謝朓
八公山詩云二別阻漢坻雙嶠望河澳茲嶺復噴
岍分區奠淮服東限瑯琊臺西拒孟諸陸阡綿起
雜樹檀欒蔭脩竹日隱澗疑空雲聚岫如複出沒
眺雉樓遠近送春日宋武帝嘗登八公山劉安臺
嘆曰下視城郭如疋帛之繞花叢○北史梁武堰
淮水以灌壽陽水勢日增元魏揚州刺史李崇乃

於八公山東南更築一城以備大水呼爲魏昌城
○牛麓在八公山下古今冢墓記廉頗葬淝陵山
之牛麓原掘泉三丈有一人衣服非常呵曰我肥
陵山神也葬地當吾直道更宜移之不爾害汝掌
事者懼而移之曰其處爲三鍬坑史記謂頗死於
壽春近是○輿地紀勝云紫金山卽八公山在州
東北十里山有車轍馬蹟是淮南王賓客之遺曾
有獲小金牌於此山可以療病疑爲丹砂所化○
東都事略云南唐齊王景達於山列十餘寨以拒
周與壽州城中烽火相應周使宋祖擊之拔其連

珠岩遂下壽州○寰宇記云黃閭山在東北五十里徐靈寶謂黃歇曾遊於此故名今山下猶有閭閨之基又三十里有舜哥山舊名舜王山俗傳虞帝躬耕處石上有大人足跡○郟國志云硤石山兩岍相對淮水經其中對岍山上築二城以防津要石上馬迹十餘云是淮南昇仙之所卽魏將賈逵據夾石以援曹休者□志云硤石山有茅人洞幽深不測相傳茅君寓此兩崖石上有大禹疏鑿舊跡淮水居中分界西岸爲下蔡東岍爲壽春○按下蔡廢縣在州北三十里之下蔡鄉春秋哀二

年蔡遷于州來言以州來地立蔡國也周武王封叔度者爲上蔡成王封度子平侯爲新蔡故以州來爲下蔡楚公族貴人多居之宋玉好色賦云惑陽城迷下蔡卽此○水經注云淮水東岍又有一城卽下蔡新城與故城相對翼帶淮濱故曰下蔡有二處○寰宇記云梁大同中於硤石山築城拒東魏卽今縣城也唐改淮川縣壽曰下蔡置渦州于此周世宗初年分用中使發陳蔡宋亳潁兗曹單等州丁夫數萬城下蔡四年徙壽州治之今廢爲下蔡巡檢司○通典云周圍壽州命徙正陽浮

橋於下蔡鎮壽州既下乃徙治於峽石昔魏諸葛誕舉兵司馬據峽石以逼之晉胡彬援壽春敗績退保峽石北魏趙祖說據西峽石更築外城徙沿淮居民於城內唐李勣討僞宋輔公祐拔壽陽次峽石皆此地也○程途記云壽州六十里正陽鎮商賈聚於河東曰東正陽土著住於河西曰西正陽歲委官收船料以給鳳陽高墻之費□宋米芾居東正陽鎮其地有張飛臺遺址周史顯德二年伐南唐行府事李穀作浮橋於正陽鎮以濟師明年世宗親征將徙橋於下蔡鎮二月浮梁成自往

觀之南唐以船實薪芻縱火焚橋俄而風返唐兵敗去乃以鐵綆千餘尺橫絕中流□西正陽有劉備關羽二城與潁州接壤潁志云漢末先主依袁氏于壽春先主城淮東關羽城淮西以屯軍今關城惟半存○廢壽春城在州西四十里壽春記云城中有楚王祭淮壇有宋武王受禪壇有唐永泰碑刺史張謂文叅軍陸綜書城東北隅有棘門史記註壽春城門也李園伏死士刺斬春申投其首於棘門之外卽此有飲犢池在縣西一里漢令時苗初至官乘黃犢車生一犢及去曰吾來時未有

此乃留之苗清而性卞時蔣濟爲揚州治中苗往
謁值濟醉不卽見苗還刻木爲人置縣庭中署曰
酒徒蔣濟旦夕射之○文獻通考壽春羅城楚考
烈王築公路城漢末豫州刺史袁術築後稱帝壽
春曹操來攻勢迫術至江亭坐簣床而歎曰袁術
乃至是乎因嘔血死○諸葛城去州東一里魏甘
露二年諸葛誕殺揚州刺史樂綝乃與文欽據城
反又六十里爲北譙縣及南二百里之蒙城縣俱
劉宋所置輿地志云梁克壽陽後立北譙郡於故
曲陽縣以北譙蒙城二縣屬焉曲陽者應劭註漢

書云在淮曲之陽也距州東北八十三里○志云
古安豐城在州西南六十里之安豐鄉春秋六地
漢縣也一名蓼地晉爲安豐郡攷蓼六皆臯陶封
國故安豐有蓼城後漢光武以安豐封竇融晉以
安豐封王戎皆此邑矣○寰宇記云晉義熙十二
年於安豐縣東北五里置陳留郡領三縣曰浚儀
在芍陂塘下去縣東北二百五十步曰雍丘在南
六十里此二縣隋開皇三年廢曰小黃在西北三
十里唐武德七年廢又有廢安城在安豐南四里
開皇十六年於白雀驛置以近城故名○宋略云

太初元年遷金塘人於壽陽立崇義縣以居之在
安豐東南三里南史吳明徹攻壽陽齊人潰退守
金城或卽其地○水經云淮水經倉陵北又東北
流經壽春故城志云淮水在州西北歷正陽鎮合
沙河經本州至懷遠合渦河東流逕臨淮城過五
河鐵橋浦東流入海○水經注云淮水經壽陽河
西北淝水從東來合之而北入于淮爾雅歸異出
同曰肥按肥源出廬江李陵山之北麓至合肥縣
其流始大自洗馬灣黃連門二河異流而下合經
本州東北又西流十里乃入淮口晉史太元八年
秦苻堅大舉入寇步騎八十七萬犯壽陽次于項
城詔謝安謝玄率衆八千拒之秦軍迫淝水而陣
玄遣謂陽平公融曰君懸軍深入而臨水爲陣是
不欲速戰也若移陣小却使晉兵得渡以決勝負
不亦善乎秦人皆曰我衆彼寡不如遏之使不得
上可以萬全堅曰但陣少却俟其半渡我以鐵騎
蹙之蔑有不勝苻融亦以爲然麾兵使却秦兵遂
亂退不可復止玄及謝琰桓伊等引兵渡水擊之
融馳馬略陣欲以遏退者馬倒爲晉兵所殺遂大
潰走玄等追擊至青岡秦兵走者聞風聲鶴唳皆

鳳陽府志卷之十四
以爲晉兵按青岡城在州西二十里謝玄所築岡
高百步臨淝水此卽東淝河也西淝河由下蔡故
城西南十里入于淮寰宇記云小史埭一名淝
水堰在安豐廢城五十里其上源號施水又曰支
津魏志武帝征孫權從東漕口至江際各爲柵柵
口遣小史何文憲開埭南史齊建元二年後魏遣
宋玉劉景攻壽陽齊豫州刺史垣崇祖欲治外城
堰淝水以自固皆曰自有淝水未嘗堰也崇祖曰
守郭築堰是吾不刊之策乃於城西北堰淝水堰
北築小城週圍深塹使數千人守之魏人蟻附之

小城崇祖決堰下水衆漂墮塹中死者千數遂退
○五代史周世宗征淮南行視水寨至淝橋自取
一石持馬上歸營以供砲礮從官過橋競取兩听
石子爲之一空○芍陂在安豐城東一百步亦名
安豐塘唐六典云首受濇之淠水西自六安北界
騶虞石入口濇水東自濇州之南橫石水入北流
注陂中○水經注云淝水東北逕白芍亭下東集
而爲湖故謂之芍陂週百二十里元和志週三百
二十四里逕百里灌田萬頃與陽泉大業陂並孫
叔敖所作今陂北有令尹祠甚嚴淮南子曰楚相

作期思之陂灌雲樓之野期思卽芍陂也後漢建安十四年尚書郎鄧艾屯田日重修此陂並堰山谷之水傍爲小坡五十餘所沿淮廣陵數十鎮並仰給於此有鄧祠在陂上正淮論所謂龍泉之陂良疇萬頃也○隋書壽州總管長史趙軌以芍陂舊有五門堰蕪穢不修乃勤課吏人更開三十六門灌田五千餘頃○安豐行色詩碑知軍司馬光刻也待制司馬池嘗監安豐酒稅於芍陂送客作行色詩云冷如陂水淡於秋遠陌初窮到渡頭賴是丹青不能寫寫成應遣一生愁張文潛曰温公

詩話亦載此詩甚工不敢以父子引嫌云○玉海

云下蔡西北百二十里有大崇陂八十里有鷄陂六十里有黃陂東北八十里有肴陂皆隋末廢唐復之溉田數百頃○寰宇記云壽州有永樂渠唐

元載

開所

在安豐東北十里其地有咄泉在淨界寺

北一百步泉與地平一無波浪人至其傍大叫則大湧小叫則小湧咄之則湧彌甚一名玄女泉○壽陽縣邊有歡樂井隋圖經謂之義井三伏之日炎暑赫曦男女往來氣息喘急望見義井則喜行之未至則憂旣至而樂俗故呼爲歡樂井也○郭

璞註山海經云壽春有九井相連若汲一井則八井皆動俗以爲靈異不敢汲而又隱現不常厥所是老君弟子張傳所鑿者今安豐縣界有張傳村按志在州南六十里瓦埠東之九井岡瓦埠西有謝埠相傳謝玄遊獵憩息之所亦宣寧曹侯故居也○花靨鎮在州北二十五里北戶錄云宋武帝女壽陽公主春日卧含章宮簷下有梅花點額上成五出宮中効之爲梅花粧世號花靨夫人今州北五里有花靨夫人墓繫年錄云紹興二年廬壽鎮撫王亨以收安豐之花靨鎮進秩一等後因爲

校場○鏤里吳志云權使孫紆大發卒屯鏤里未

詳其處○鬪鷄臺在州東北十里鬪鷄舖相傳楚

王嘗鬪鷄于此輿地紀勝有二金鷄鬪于此地遠

近皆見○讀書臺在州南隱賢鎮唐時董李二賢

所居韓昌黎集有董生行曰淮水出桐柏山東馳

遙遙千里不能休淝水出其側不能千里百里入

淮流壽州樂縣有安豐唐貞元時董生召南隱居

行義其中刺史不能薦天子不聞名聲爵祿不及

門門外惟有吏日來徵稅更索錢嗟哉董生朝出

耕至夜歸讀古人書盡日不得息或山而樵或水

而漁入厨具甘旨上堂問起居父母不感感妻子
不容容嗟哉董生孝且慈人不識惟有天翁知生
祥下瑞無時期家有乳狗出求食鷄來哺其兒啄
啄庭中食蟲蟻哺之不食鳴聲悲徬徨躑躅久不
去以翼來覆待狗歸嗟哉董生誰將與儔時之人
夫妻相虐兄弟爲仇食君之祿而令父母愁亦獨
何心嗟哉董生無與儔□柳宗元孝門銘序云壽
州刺史臣承思言九月丁亥安豐縣令臣某上所
部編戶昨李興父被惡疾歲月就亟興自刃股肉
假托饋獻其父老病已不能啖啜宿而死興號呼

撫臆口鼻垂血捧土就墳沾漬涕洟墳左作小廬
蒙以苫茨伏匿其中扶伏頓踊晝夜哭訴孝誠達
幽神爲見異廬上產紫白芝二本各長一丈廬中
醴泉湧出奇形異狀應驗圖記此皆陛下孝理神
化陰中其心而克致者宜加旌褒合于上下請表
其閭刻石明白宣延風美臣昧死上請制曰可今
鎮有二賢祠存○九域志云楚左史倚相墓在州
南五里俗呼相王家○宓子賤墓在州南六十里
鐵佛岡號青冢舊有碑云子賤爲魯使吳卒葬于
此今瓦埠鎮有單父侯廟○英布墓在故安豐縣

東八十里今有九江王廟按史記布敗走番陽見殺無反葬之理安豐或其先所葬也○劉安墓俗稱劉王墓在城北三里近淮南廟按王得臣揮塵錄余長子渝為壽春令邑有淮南王安廟春秋祀之百姓思劉仁瞻之忠欲為廟而絀於力乃塑劉令公像於淮南廟中傅舍作詩淮南據險逝西京仁瞻輸忠保一城今日鄉人聊合祭未應同食便同情今仁瞻有廟在城西子城坊是宋武帝內殿基址稱忠顯廟○輿地紀勝云陳思王廟在安豐縣北二里按子建嘗封雍丘王又封浚儀皆安豐

地界然此二邑亦皆晉東渡時僑置者非子建所封之本邑也○漢梅福子真召信臣翁卿晉胡威伯虎隋裴政德表宋丞相呂夷簡坦夫皆壽春人

霍丘縣 在州西南一百二十里

周霍叔封邑也後漢朱瑒壽春記云金明城西南百二十里有黃帝時霍丘城楚莊王以為霍丘戌今縣西門外淮河東畔有霍叔墓邑名本此○九域志云淮東畔福昌寺及仇山羅漢二寺俱宋治平間建成周霍叔故宮在焉今屬公署○通志略云蓼偃姓都霍丘臯陶子孫所封邑春秋文五年

楚穆王滅之故杜元凱謂安豐桐邑有蓼城也註
疏安豐在蓼縣是矣朱瑒壽春記云金明城西南
百三十里有銅城卽桐邑也○金明城西南有雩
婁城堯時之婁子城也圖經云婁漢縣在西南八
十里春秋襄二十六年楚人侵吳及雩婁註疏雩
婁在安豐蘇林志解曰雩婁縣有決水北至蓼入
淮按決水出大別山訛呼史水在縣南二百五十
里○方輿志云決口城在縣西百五十里梁普通
年於水東陽泉古城置後改爲臨水縣其上有臨
水山皆以臨決水也云縣之西卽古蓼邑○郡國
志云古安豐州城在縣西南二十里梁天監元年
移州於霍丘戍東北置其城在縣南四十里射鵠
村是北齊廢州於無期村置安豐縣隋開皇三年
始移就芍陂之下○宋王回蓼驛記云霍丘故霍
國今縣治萬壽鄉距京師八百里境內所包若干
里比而環者七州七州之途皆有驛以達於壽霍
丘居最徑獨無驛知縣事大理寺丞謝侯續始相
署之東偏而通衢之會築館焉旣成名之曰蓼取
古封國之端云爾○輿地廣記云漢松滋城在縣
東十五里按古今地名志一名祝松古鳩縣地漢

表有祝茲侯是也南北朝時或戍或城爲州爲縣皆以霍名唐初始置蓼州管霍丘松滋二縣尋州廢併廢松滋以屬壽州○漢地里志禹貢大別山在霍丘西南紀勝云卽安陽山也去縣西南八十里界于固始安陽者以安豐縣在山東北陽泉縣在山西北合而爲名○高祖山在縣西八十里亦隣固始相傳漢高祖追項王至固陵屯兵于此又二十里爲灌山灌水出焉卽褚先生所云神龜出二灌水也○九仙山在縣南百里有九石曰相傳嘗有九仙搗藥其上○三尖山在縣南二百里有潭呼九丈其下爲豹子畦又二十五里爲埧到山山形峭峻遙望似近而行實難到故名○志云縣北二十五里新河宋宣和以前不通舟楫建炎後湍流衝激河流漸大故何宋英有自從二水分新舊南北煙波各自愁之句○左傳昭二十七年楚救潛沈尹戍與吳師遇於窮水水經云窮水出安豐窮谷按寰宇記豐水在縣西南十里亦名窮水也其北有安豐津安豐都尉所理部民獲毋丘儉於水草中卽此津○大業陂在縣東北十五里周二十餘里人呼水門塘相傳古之鎮淮洲因陷

爲陂天時日霽陂中或見城郭之影○龍池在縣西四十五里相傳隋張路斯變龍之處而潁上霍丘連界故兩存之今縣西南十二里豐河西岸有龍翁釣臺高一丈週二十里○福昌寺後有回龍橋橋跨存天澗在縣治後西北通古淮河

蒙城縣

在州北百八十里


本漢山桑縣按十三州志云山桑者山生于邑其亭有桑因以名縣也文獻通考云山桑城去縣三十六里有亭基存高峻若陵阜然註水經云山桑邑謂之北平城光武封王常爲山桑侯屬汝南郡

晉魏屬譙後魏孝文於此置渦州及渦陽縣併理山桑城按渦河在縣北二里東豫州刺史元慶和鎮于此梁大通元年克渦陽置西洋州改北新安郡東魏改蒙郡後齊郡廢置縣曰蒙隋開皇十六年改渦陽爲淝水已改山桑天寶元年始改蒙城而隸亳州其屬壽州自金始也已後因之○志云縣解有結燕堂宋時朔王安石寄題詩曰清燕新碑得自蒙行吟如到此堂中吏無田甲當時氣民有莊周後世風庭下早知閑木索坐間遙想理絲桐飄然一往何時得俛仰塵沙欲作翁○寰宇記

云宋檀道濟爲征西將軍居處築城後人呼檀公
城在縣北三十里志云城內有山名檀城是也○
禮城在縣西北二十里其地有靈山故老云山中
出雲天必雨故名靈山形首尾高而中陷又名駝
腰山○南史梁曹仲宗攻渦陽魏遣王元昭援之
前軍至駝澗澗水出駝山也去渦陽四十里又因
有駝駝舖之名○一統志云南狼山北狼山俱在
縣西北三十里土人言山中出豺狼之屬又以其
形似之○南蒙城北蒙城並在縣北八十里相去
四十步後魏孝文太和七年築○縣西四十里有

龍井及聖水井禱雨輒應按唐李文饒集狀上敬
宗云亳州聖水江南人求請奔走塞路每三十家
都催一人往取起行之日病者斷葷血旣飲水又
蔬食二七日價至斗三千文受催者雜以他人浴
路轉市老疾之人多至危篤近福建百姓渡江日
三五千人臣於蒜山已加捉搦若不禁絕終爲禍
本蓋蒙城唐原屬亳州也○志云縣西北有莊子
廟蘇子瞻爲記按蒙莊乃梁國之蒙此特從俗而
祀之耳其西百步又有八蜡廟○九域志云越范
蠡旣平吳浮海去卒葬于山桑今縣西六十里有

蠡冢存○陳搏橋在縣東南五十里又有陳搏店
跨茨河上茨河水至懷遠淮○山桑縣 國朝
始併入州攷晉史姚襄屯歷陽般浩惡其強盛屢
遣人刺之不克十月浩北伐以襄爲前驅襄反攻
浩于山桑浩大敗卽斯地矣



程